

Број предмета: 01-7930/18
Број акта: 04-AS-010/18
Брчко, 03.12.2018.godine

Na osnovu člana 23. stav 2. Zakona o javnim preduzećima Brčko distrikta BiH ("Službeni glasnik Brčko distrikta BiH" broj: 15/06, 05/07, 19/07, 24/08 i 17/16), člana 48. Statuta Javnog preduzeća "Putevi Brčko" d.o.o. Brčko distrikta BiH, a u vezi sa članom 70. stav 3. Zakona o javnim nabavkama Bosne i Hercegovine («Službeni glasnik BiH», broj: 39/14) i Pravilnika o javnim nabavkama roba, usluga i radova JP „Putevi Brčko“ d.o.o. Brčko distrikta BiH broj: 01-UO-151/17, od dana 26.12.2017. godine, na preporuku Komisije za javne nabavke broj: 01-7930/18, broj акта 04-SI-008/18, od 14.11.2018.godine, Direktor JP "Putevi Brčko" d.o.o. Brčko distrikta BiH donosi:

ODLUKU

o izboru najpovoljnijeg ponuđača i dodjeli ugovora u postupku javne nabavke roba–Nabavka i ugradnja odbojnih zaštitnih ograda, a za potrebe JP "Putevi Brčko" d.o.o. Brčko distrikt BiH

Član 1.

U konkurentskom postupku kojim je predviđeno zaključivanje okvirnog sporazuma za javnu nabavku roba - Nabavka i ugradnja odbojnih zaštitnih ograda, a za potrebe JP "Putevi Brčko" d.o.o. Brčko distrikta BiH, objavljene na portalu javnih nabavki pod brojem: 947-7-1-57-3-64/18 od 30.10.2018. godine, prihvata se preporuka Komisije za predmetnu javnu nabavku broj: 01-7930/18, broj акта 04-SI-008/18, od 14.11.2018.godine, te se ugovor dodjeljuje:

- 1. "Sacom" d.o.o. Sarajevo, čija vrijednost ponude sa uračunatim PDV-om iznosi 28.080,00 KM.**

Član 2.


Po okončanju roka za žalbu ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze vezano za predmetnu javnu nabavku shodno uslovima ugovornog organa navedenim u Tenderskoj dokumentaciji i zakonskim propisima koji regulišu postupke ugovaranja. Predmetna nabavka će biti finansirana iz sredstava predviđenih u Poslovnom planu za 2018.godinu.

Član 3.

Ova Odluka će se dostaviti svim ponuđačima u predmetnom postupku javne nabavke uz obavještenje o rezultatima postupka.

Član 4.

Ova Odluka stupa na snagu danom donošenja i objavit će se na web stranici, kao i na oglasnoj tabli Preduzeća, danom upućivanja iste ponuđačima.



O b r a z l o ž e n j e

Nakon provedenog konkurentnog postupka sa objavljenim obavještenjem o javnoj nabavci na portalu javnih nabavki pod brojem: 947-7-1-57-3-64/18 od 30.10.2018. godine za javnu nabavku roba- Nabavka i ugradnja odbojnih zaštitnih ograda, pokrenutom Odlukom direktora br: 01-7930/18, broj akta 04-AS-002/18 od 29.10.2018.godine, Komisija imenovana rješenjem br: 01-7930/18, broj akta: 04-AS-006/18 od 06.11.2018.godine, je izvršila pregled i ocjenu blagovremeno prispijelih ponuda te konstatovala da su dostavljene ponude od strane 3 (tri) ponuđača za predmetnu nabavku i to: 1. „Buljan Ceste“ d.o.o. Kreševo, 2. „Memi“ d.o.o. Živinice i 3. „Sacom d.o.o. Sarajevo.

Analizom i uvidom u priloženu dokumentaciju i suštinskom provjerom sadržaja i validnosti dokumentacije Komisija je utvrdila da:

Ponuda ponuđača „Buljan Ceste“ d.o.o. Kreševo ne ispunjava uslove, odnosno u ponudi je propustio da dostavi kopiju ponude u skladu sa tačkom 4.1. kako je zahtjevano tenderskom dokumentacijom.

Ponuđači su obavezni da pripreme ponude u skladu sa kriterijimakoji su utvrđeni u tenderskoj dokumentaciji. Ponude koje nisu pripremljene u skladu sa tenderskom dokumentacijom će biti odbačene kao neprihvatljive.

Shodno navedenom komisija je u skladu sa članom 68. ZJN BiH (Razlozi za odbacivanje zahtjeva za učešće ili ponude) zauzela stav da se navedena ponuda smatra neprihvatljivom za ugovorni organ te ne može biti predmet daljeg vrednovanja.


Ostali ponuđači u formalno- pravnom smislu ispunjavaju zahtjeve Ugovornog organa i kriterijumima obavještenja o nabavci i tenderskoj dokumentaciji Ugovornog organa.

Tenderskom dokumentacijom Ugovorni organ je predvidio da se postupak javne nabavke okonča putem e-aukcije. Komisija za javnu nabavku je zakazala E-aukciju u sistemu e-nabavke za dan 12.11.2018.godine u 12:22h. Iz izvještaja o toku i završetku e-aukcije, koji je preuzet iz sistema e-nabavke je vidljivo da je e-aukcija trajala od 12:22 do 16:42h. Nakon završetka e-aukcije komisija je u Zapisniku sačinila rang listu ponuđača sa tabelarnim prikazom.

Članom 70. Stav (6) ZJN BiH propisano je da ugovorni organ predmetnu Odluku objavljuje na svojoj internet stranici istovremeno sa njenim upućivanjem ponuđačima koji su učestvovali u postupku javne nabavke. Nadalje, članom 71. ZJN BiH, utvrđena je obaveza ugovornog organa da predmetnu Odluku dostavi svim ponuđačima koji su učestvovali u postupku javne nabavke uz obavještenje o rezultatima postupka, kao i Zapisnik o ocjeni ponuda.

Imajući u vidu naprijed navedeno komisija je dala *preporuku* direktoru Preduzeća da se predmetni ugovor dodijeli ponuđaču „Sacom“ d.o.o. Sarajevo.

Cijeneći navedeno, odlučeno je kao u dispozitivu ove Odluke.



JP ПУТЕВИ БРЧКО
Брчко дистрикт БиХ ▲▲ Брчко distrikt BiH
JP PUTEVI BRČKO

Јавно предузеће "ПУТЕВИ БРЧКО" д.о.о.
Брчко дистрикт БиХ
Босне Сребрене 29, 76100 Брчко дистрикт БиХ
тел: +387 49 490 151, факс: +387 49 490 160

Javno preduzeće "PUTEVI BRČKO" d.o.o.
Brčko distrikt BiH
Bosne Srebrene 29, 76100 Brčko distrikt BiH
tel: +387 49 490 151, faks: +387 49 490 160

Pouka o pravnom lijeku: Protiv ove Odluke dozvoljena je žalba u pisanoj formi u roku od 5 (pet) dana, računajući od dana kada je ponuđač primio Odluku, odnosno obavještenje o rezultatima postupka. Žalba se izjavljuje ugovornom organu JP „Putevi Brčko“ d.o.o. Brčko distrikta BiH, Bosne Srebrene Br.29, 76 100 Brčko, u skladu sa članom 99. i 101. ZJN BiH, u dovoljnom broju primjeraka, a koji ne može biti manji od tri.

A.S.

M.I.

Dostavljeno:

- Ponuđačima
- Oglasna tabla Preduzeća
- Web stranica
- Direktor
- Evidencija
- Arhiva



JP „Putevi Brčko“ d.o.o. Brčko distrikta BiH
Direktor

Dr Miroslav Miškić